

欽定學政全書卷十

名宦鄉賢

順治元年定名宦鄉賢風教所關提學官遇有呈請務須覈實確據若有受人請求妄舉者師生人等卽以行止有虧論其從前冒濫混雜者徑自革除

康熙七年奏准嗣後各直省學政遇有鄉賢務須覈實年終造冊報部勿得徇情冒濫如有私給衣頂奉祀者盡行黜革。

又奉

旨據奏鄉賢自漢朝至今共四百八十二人。從古以來賢者誠爲難得。今王鑑三年內准過鄉賢六百五十八名。又私給與鄉賢子孫頂戴一千一百餘名。有玷於真賢清行。廉耻過喪。殊爲可惡。理應革職從重治罪。但在赦前著以現在品級致仕。永不敘用。地方官員亦應行查從重處分。因係赦前寬免。著嚴飭行。又爾部所議限定賢數不合。著交與該撫將果有善蹟者。確察開報。其無善蹟者。亦確查革除。

雍正二年議准。各宦鄉賢風教攸關。相沿歲久。冒濫實多。行令各省督撫學臣。秉公詳查。如果功績不愧名宦。學行允協。鄉評者。將姓名事實造冊具結。送部覈准。仍許留祀。若無實蹟。報部革除。嗣後有呈請入祀者。督撫學臣照例報部覈明。如私自批行入祀。事覺將請託與受託人等治罪。出結具詳地方官。一併議處。

雍正三年議准。名宦鄉賢若止造冊報部。日久玩生。恐致冒濫。嗣後凡有呈請入祀者。照

旌表節義歲終彙題例。令該省督撫學臣秉公確查
每年俱於八月以前彙題并將事實冊結送部
詳覈庶免冒濫入祀之弊

雍正六年奉

上諭各省所舉名宦鄉賢該部奏請勅下九卿會同本
省部院官員詳慎覈定等語。朕思既係本省之人伊
等瞻顧鄉曲之情或有難於直言之處。且同在一省
而隔越府縣卽未能深知確實所言何可爲據。著仍
交與原舉報之地方官令其再行確查倘從前所舉

不實。准其檢舉。不加處分。若所舉確實。著出結保送。日後倘查出冒濫。將出結之員。從重議處。

雍正九年奉

上諭。名宦鄉賢。關係國家崇祀大典。朕屢降諭旨。令該督撫等秉公詳慎。以彰激勸。該督撫自當仰體朕心。不應尚有瞻徇冒濫者。江西學道高璜。昔年曾教朕讀書。其在江西學政任內。亦非一塵不染。人所共知者。此乃朕所深知。今謝旻題請崇祀名宦。不知高璜之視學江西。果有教澤及人士。子實心感頌乎。抑謝

旻以高璜昔曾教朕讀書是以列於名宦之內而非
出於輿論之公平著行文該督撫將高璜應否崇祀
名宦之處詢問江西通省紳士令其據實陳奏俟奏
到之日再降諭旨以朕所知之高璜如此則其他可
知朕屢經教導而督撫等身受封疆之重尚不能鑒
別公當返之於心能無愧乎嗣經江西巡撫查據通
省紳士合詞保結仍行

題請覆准
入祀名宦

乾隆十三年奉

上諭鄉賢崇祀所謂祭於瞽宗必有功德可稱方足膺

茲鉅典。近來率以仕宦通顯者當之。已非覈實之道。今雲南巡撫圖爾炳阿題請原任侍郎許希孔崇祀鄉賢本內。則更有過甚其辭者。許希孔本一硜硜自守。謹厚小心之人。在朝未有所建立。但曾爲卿貳。或者居家孝友。滇省人物寥寥。節取充數。自無不可。本內乃有文堪華國。品足型方二語。朕則知實非許希孔所能當。案呈內又以湯斌陸隴其爲比。許希孔何如人。豈可方之湯斌陸隴其。儼人旣不於其倫。且本朝臣工不書其名而稱爲陸當湖湯潛菴。尤非奏章

之體。此等幕賓沿襲套語。明季已成濫觴。彼時卽軍國重務。人君尚概不經目。何論尋常章奏。至我朝家法。則通本部覆無不詳悉披覽。督撫題奏事件。豈可剿襲陳言。任意草率。今後有似此者。必加處分。

乾隆十四年遵

旨議准。各宦鄉賢名實尤難相副。地方官往往奉行不善。致滋訾議。嗣後督撫題報到日。該部務確覈事蹟。倘名實不能相副。卽秉公指駁。將詳報不實之地方官照例題參。

乾隆二十年奉

上諭直省建立名宦鄉賢祠。卽古者瞽宗之祀。所以崇德尚賢。與斯祀者。必其人實可當之。無愧方足以光俎豆。而式鄉閭。其典綦重。昨於幾暇。恭讀

皇考世宗憲皇帝上諭。有江西撫臣謝旻以原任學道高璜崇祀名宦。降

旨訓飭。並詢問江西通省紳士。應否崇祀。令其據實陳奏。

皇考於崇祀一事。加意慎重。如此所以爲世道人心計。

者。具有苦心。朕不勝欽感。卽位以來。各省督撫題請崇祀之人漸多。該部或駁或准。不過如所議行。今見此

旨。因憶近時大臣中。曾有以祖父得祀鄉賢具摺謝恩者。召見九卿論及此事。則卽尚書王安國左都御史楊錫紱之父。其同時題請部駁者曰徐景京。則其子固非身列顯要者也。設亦九卿祖父。則該部亦必議准矣。可見該撫之所請。原在可駁可准之列。而部臣之所議。亦寓高下其手之心。夫大臣身居九卿。部臣

督撫誼屬同官彼此瞻徇勢所不免。即使採訪悉爲公當。而悠悠之口。難保其必無遺議。又况名實未必盡符者乎。且入祠旣多朝貴先人。則潛德韜光之士。必且耻與爲伍。崇祀大典。將不以爲榮。而以爲辱。至實在政績。茂著德望。俱隆者。或子孫不能自振。必轉致湮沒無傳矣。當其具呈公舉。雖托之輿論。而主持爲首者。仍以姻族衿士。貢諛徵賄。何所不有。風勵激勸之謂何。不亦瀆典章而褻名器乎。朕亦非謂大臣祖父必不可祀也。果使政事人品足爲衿式。自必

久而益彰。何妨待之十數年。而必及其子之備位大僚。亟亟題請。以至公之舉。而冒至私之名乎。其入祠年歲已久者。姑免追究。所有王安國楊錫紱之父。禮部行文各該省。卽爲撤出。從前具題之督撫。及覆准之該部堂官。俱著交部查明。嚴加議處。嗣後子孫現任九卿者。其祖父概不得題請入祀。其身後鄉評允當者。聽著爲令。

乾隆四十年。議覆護理江西巡撫題請已故原任工部尚書裘曰修入祀鄉賢祠一疏。查各省

題報鄉賢。向由該督撫取具冊結送部覆覈。如
果名實相副。照例題准入祀。今該護撫以已故
尚書裘曰修題請從祀。查裘曰修仕躋通顯。久
依

禁近。其生前既深荷

洪慈。身後復倍邀異數。

賜卹與諡。

恩施優渥。其才具品行。與服官事蹟。均在

聖明洞鑒之中。應否准其入祀鄉賢之處。理合具奏。奉

旨准其入祀鄉賢祠。

乾隆四十二年議准。河南省題報各官之原任
湯陰縣知縣楊世達。查該員事實冊內。曾於永
城縣任內。失察衙役錯拏私鹽致死人命一案。
其不能戢役安民。已可概見。應不准其入祀。並
將詳報各官交部議處。其率行具題之督撫學
政一併交部察議。至陝西省題報鄉賢之明季
殉難荏平縣知縣黃建極。查明季盡節諸臣諡
典案內。黃建極在通諡節愍項下。並入祀本籍

忠義祠是黃建極更不必於鄉賢一項重複從祀應毋庸議。

乾隆四十三年議准查各省題報名宦由該督撫取具冊結送部覆覈如果各實相符禮部照例題准入祀以昭

令典今陝西巡撫畢沅以陞任已故大學士陝甘總督黃廷桂尹繼善陝西巡撫陳宏謀前任陝甘總督吳達善題請入祀查黃廷桂等恭逢。

聖主知遇之隆宣力中外其才具幹濟與服官政蹟均

在

聖明洞鑒之中。應否准入祀名宦之處。理合具奏。奉
旨。准其入祀名宦祠。

乾隆五十三年議准。據山東巡撫覺羅長麟題
報。已故原任郎中袁承綬入祀鄉賢祠。查袁承
綬係原任戶部尚書袁守侗之父。雖據該撫以
其子袁守侗業已身故。並非現列九卿。查與身
後鄉評允當者事蹟符合。但究係大臣之父。應
否准其入祀鄉賢祠之處。恭候